

## SARS YI KOMBELA VATIRHI KU LANDZELELA SIKU RO PFALA

**Tshwane, Musumbhunuko ti 29 Nyenyankulu 2012** - Vukorhokeri bya Xibalo bya Afrika-Dzonga (SARS) byi kombela vathori ku landzelerisa swiboho swa vona swa xinawu hi ku rhumela vuxokoxoko lebyi lulameke enkarhini wa nguva yo fayila ya lembe na lembe eka vathori ku sukela hi ti1 Dzivamisoko ku fikela ti 31 Mudyaxihi.

Vathori va komberiwa ku rhumela Ntvisiso wa Ndzinganiso wa Timali wa Muthori (EMP501) eka SARS hi ti 31 Mudyaxihi, ku katsa na mitiviso ya n'hweti na n'hweti leyi kayiveleke (EMP201) na mindzinganiso ya lembe (EMP501).

Tihakelo ta Xibalo-Hi-Ku-Ya-Hi-Muholo (PAYE) ti fanele ku ri ta sweswinyana naswona switiviwa leswi nyiketiveke SARS swi fanele ku va swi basile no lulama. Switiviwa leswi lulameke swi na nkoka leswaku SARS yi ngenisa vuxokoxoko eka mitlheriso hi ndlela leyi lulameke naswona vatirhi va nga rhumela mitlheriso ya vona ya xibalo xa malinghena ya vanhu hi voxo na vuxokoxoko lebyi lulameke enkarhini wa nguva yo fayila ya vanhu hi voxo.

Vatirhi va tlhela va laveka ku humesa IRP5/IT3(a) eka vatirhi hi nkarhi, ku kotisa vatirhi ku rhumela mitlheriso ya xibalo ya malinghena ya vanhu hi voxo hi nkarhi.

SARS yi kombela vatirhi ku langutisa loko vuxokoxoko bya vona eka IRP5/IT3(a) loko byi lulamile.

Vaphakeri va switiviwa swa vandla ra vunharhu tanihi swikimi swa mpfuneto wa swa vutshunguri va tlhela va komberiwa ku rhumela vuxokoxoko lebyi lulameke eka SARS na le ka titlilayente ta vona.

Leswi i swi swilaveko swa nkoka leswaku SARS yi kota ku nyika vukorhokeri lebyi kongomisiweke no rhelela eka vahakelaxibalo hi ku fambisana na xikongomelo xa hina xo endla swi olova eka vahakelaxibalo ku landzelerisa swiboho swa vona.

Vathori, vatokoti va swa xibalo na valawuri va nongonoko wa vathori va fanele ku dawuniloda vhexini ya sweswinyana ya Employers e@syfile. Leyi i chanele leyi SARS yi yi nyikaka ku pfumelela vathori ku rhumela EMP501 hi ndlela ya xiekitironiki. SARS yi hlohlotela mabindzu lamatsongo ku tirhisa pulatifomo leyi no suka eka manyuwali ku ya eka tisisiteme ta nongonoko wa vathori leyi tiendlekelaka hi yoxe.

Valavi vo sungula va mitirho va nga titsarisela xibalo xa malinghena xa munhu hi yexe hi ku tirhisa eFiling. Swi teka ehansi ka 24 wa tiawara ku kuma SMS leyi nga na nomboro leyintshwa ya xibalo loko u endla xikombelo hi ku tirhisa eFiling.

Ku papalata mixupulo na ntswalo, vathori va fanele ku rhumela mitiviso ya ndzinganiso wa timali wa lembe eka SARS hi ti 31 Mudyaxihi 2021.

Ku kuma vuxokoxoko byo tala mayelana na Nguva yo Fayila ya Vathori, endzela webusayiti ya [www.sars.gov.za](http://www.sars.gov.za).